

詒安堂詩初稿

序

叔彝司馬訓承名父學富髫齡杜氏熊兒精文選理羊家驥子具正始風弱冠入贊序益肆力於詩遠規漢魏近攬唐宋錄玉能暖鏗金不寒性靈自殊根柢亦厚每當月夜飛觴花天擊鉢舊雨今雨詩豪酒豪雅弦畢張靈璈獨奏僕自壬辰歲後奔走南北離家者幾二十年未獲與叔彝刻燭聯吟共商雅什瑤篇偶誦暮雲感深迨歲己酉歸自閩南而叔彝之詩律益細風格漸蒼亟請其全稿讀之淵淵乎聲出金石長劍倚天星辰亂飛神獅怒蹲百獸懾伏時而春雲靄抱空山已花寒漪藻交古月梅隱蓋其清淑之氣集師友之益學博而通氣闊以達陶令潘令接乎宗

乘香山眉山窺其窓與離奇光恠清婉溫敦無美不襟無體弗備而其五言律詩則優駿乎叩杜陵堂室矣抑僕猶

僕猶

有說焉夫鳳翔千仞始極其游覲徙南冥迺神其運叔贊發篋奏理振管流音稽古熟四千年事入室皆五千卷書而游蹤所及僅在大江以南然且發爲詩歌疎宕激越已足凌轢方壺俯瞰八極今叔贊筮仕有日矣行將上玉京謁金門皇華持檄甘雨隨車厯覽天下名山大川發抒其胸中奇崛之氣其所造當更何如僕也枯腸結轄索句未能一臥滄江舊游如夢斯事賴有主持讓君出一頭地勉旃勉旃是編特其嚆矢耳

咸豐二年歲在元默因敦且月姻世愚弟劉樞拜跋

敘

詩之爲道意寬而旨嚴詞近而義遠今世爲詩者多達此  
者或寡豈非其淵源所本有不盡然者與海上王子叔彞  
席先德甚厚銳志文藝兼嗜韻言嘗以所著詒安堂詩初  
稿八卷示予詞旨森秀睥睨皮陸洵近今之健者然吾謂  
古之爲詩者其意不專主乎詩君家世懿恪旣詳見于予  
所爲王氏贍族田記而詩之醞釀復如此世之能知君者  
多矣何待予爲揄揚抑予更有進者詩人之夥莫如唐而  
史述高適元結皆以晚年稱詩又各能以功名顯君之齒  
固猶未也使奮其猷爲以續先緒則身名兼茂其爲生世  
光寵不滋益大乎予旣美君之有本益願君濟而深之拓

而廣之使世不僅以詩人限吾王子也其涯涘更孰得而  
窺測之道光三十年中伏日東余老民姚椿書

詒安堂初稿目錄

姚序

劉序

卷一

晴海樓詩

卷二

晴海樓詩

卷三

槎水往還集

卷四

槎水往還集

卷五

寄深寫遠齋集

卷六

寄深寫遠齋集

卷七

得閒集

卷八

得閒集

詒安堂詩初稿卷一

曙海樓詩上

上海王慶勲叔彞著

歲戊子己丑間始學爲五七言漢魏風騷茫然不解讀書之暇偶閱唐宋人詩私竊效之寒暑屢易積卷遂多時適先祖以城南詠宜堂屋廬逼窄別築曙海樓於浦上遷居其中爰錄所作爲上下兩卷

交友篇

交友不在多所貴惟知心相期在道義品格珍珠琳季子三尺劍伯牙五絃琴風誼薄霄漢磁石能引針旣以性情合自然結納深里巷徵逐遊何足言苦岑但求進於古弗願諧於今

花朝同諸兄弟郊外散步

東風吹放柳千條春色無邊綠過橋杏雨橫遮村市尾梨雲低抱女牆腰燕尋故壘情偏熱鶯弄新簧韻益嬌一路斜陽芳草暖踏青好趁馬蹄驕

春日卽事

東風吹不定春色滿江城花態如人健波光抵鏡清樹兜斜嶺密雲抱夕陽明烽燧都消盡桑麻樂太平

春日書齋卽事

數椽傍水居新築四圍楊柳青環屋春來無事坐書齋俗塵早被鶯聲逐此時花雨香成團紅白宛備圖一幅草長有意來窺簾風過無心還戛竹靜趣先教肺腑清豈徒分

得清閒福倚闌更送殘陽歸淡淡煙痕鎖林木

柬鍾子良

庚原名臣弼

風雨聲中一草廬捫心未敢負居諸開樽好續春前約盈尺新成別後書賀世故應鳴鶯鶯名山豈但注蟲魚圖南未展垂天翼早有榮光燭里闇

龍華寺

烟波縹渺間一淪立高阜扁舟破浪來繫繩爲沽酒村店兩三家閨住萬楊柳信步過小橋踏碎苔痕厚盤盤徑愈深禪房踞其後行盡綠陰中洞然見戶牖入門僧先喜邀我坐花藪竹爐煮新茶煩襟滌八九佛龕裊香烟芬蘂舒錦綬腰健還登樓遙山似培塿風送一聲鐘塵心歸烏有

忘言亦忘機盤桓不知久放船且趁潮白雲鎖江口

曾家聽濤丈 松卽次見贈韻

消得平生氣概無高歌何事痛窮途欲將傲骨擣風雪移  
取閒心入畫圖有暇還邀曾醉酒無田豈識吏催租莫嫌  
老大情懷減嬾向漁磯問釣徒

翁善山水

吾家

水雲深處是吾家居曲疏籬抱屋斜春色暗埋三徑草詩  
題分餉一闋花門無俗客心機靜架有奇書眼福誇却怪  
風來多海氣比隣生計半魚蝦

寒食後一日江上小步

鶯簫聲裏又清明柳線垂垂綠滿城春色一帘名士酒風

光三月麗人行花櫳流水香猶膩雲漏斜陽雨欲晴雅興  
江頭誰許和啼鶯時送兩三聲

秋日卽事

庭院涼如許珠簾不上鉤蓮花初結子桐葉早知秋客愛  
陳驚座謂蓮塘文詩吟趙倚樓謂闌齊明府文循陔多暇日還放郭門

舟

冬日漫興

鴉背斜陽閃影遲西風萬樹戰酣時娛親思拓園三畝欵  
客頻斟酒一卮雲釀重重知有雪寒消九九竟無詩蒼官  
健似才人筆老幹高擰百尺枝

梅花

春光消息逗南枝冷趣堪償酒一卮烈士性情高士骨詩人肺腑美人姿轉憐詞賦才空費好在因緣蝶未知孤負前村深雪裏閒騎驢背待何時

侍大父同鍾霖溥太子沈賓坡

璐

小飲玉蘭花下

花神疑是詩仙匹一夜樹頭盡簪筆琢玉雕瓊興未休才華雪艷誰堪測枝枝搖曳當風前翠羽紛披疏間密嫩苞微坼露珠圓遙射朝晴光四溢冷逼梨花欲歛香潔欺雲朵難爲色時值春寒未解嚴狂蜂癡蝶猶藏匿對此亭亭玉樹臨令人如坐瑤臺側况復看花並白頭鬢影花光門正力若非痛飲酬花神轉恐花枝增歎息我雖雅齒列座隅不飲也難情默默直須獻壽三百觴庶堪慰此真香國

須臾酒盡明月來伴夢還移花入室

雜詩

志士勵姱修爲學苦不早書味甫覺甘冉冉倏將老縱非  
誇博聞要必勤稽考舍書談經猷消息從何討慨自時藝  
興一切憑除掃性理拾唾餘空言以爲寶借此梯科名捷  
徑計原好若論經濟才空言正難保所以眞英雄弗屑詞  
章表不幸因文傳亦異時流巧敢怨知已無祇恨讀書少  
萬事紛於毛一心靜如鏡利鏢名韁中誰果保眞性理欲  
談津津界劃非不峻可惜口頭禪相背未轉瞬豈知數窮  
通無一不闕命求旣未必來失亦何足病假使智巧徒力  
可將天勝胡爲禍患投點者偏多釁古稱愚鈍夫轉無大

驚震乃知碧天翁公道良可信雷焚樹必奇風疾草彌勁曠達每坦易固執恒迂拘此由性所使未可強其趨吾謂磊落者識誠超庸愚要其真氣在非比粗豪徒若但飭外貌學問根柢無勢將本實撥禍且難支吾挾婢若阮籍罵座同灌夫猖狂實貽害淪至荆棘途是以貞達觀原弗形跡摹無非信理足心不移榮枯何嘗恣放浪萬事憑模糊桃李易零落松柏常青葱共承雨露潤榮枯偏異同是豈造化責物性難相通一由繁華極力盡脂膏窮一歸恬淡甚質厚精神充繁華與恬淡權非操天公祇憑自位置遂判生殺功因歎處人世寄興宜防濃凡事剩餘地何至憔悴終

大造不言造何一非資生至聖不自聖乃轉無可名從素  
絕世業悉仗虛心成遑求時俗喜祇與前賢爭譽之且勿  
顧毀之何足驚惟其抱負大處世心殊平咄哉夫已氏一  
藝輒自鳴卽此一藝未正恐非真精何乃妄誇詬更不容  
公評意氣旣如此人已先心輕無怪蓋棺後澌滅誰傷情  
剩有鬼夜哭細似蒼蠅聲

身未入局中思之輒色舞及經局中來乃覺滋味苦味苦  
雖不辭勢已難自主是知安分佳漫矜勇可賈一切葛藤  
纏莫非由已取悠悠名利途實爲人心蠱何待入局中始  
悔身騎虎悔尙嫌其遲況更材力賭

題宋熙堂士渢小影

一年清夜惟宜秋。秋風桂影天香流。一輪明鏡忽飛出。誰家玉笛吹。高樓琉璃世界真堪玩。幾點疏星淡河漢。舉杯邀得素娥來。霓裳仙樂聞。天半廣寒宮。闕雲中。開幽人顧影空徘徊。不知今夕是何夕。費盡花間宋玉才。秋宵玩月

綠雲掩映疏窗側。日費先生幾升墨。淋漓寫上滑子箋。雅抱高僧懷。素癖庭前愛。聽風雨聲興酣落筆。四座驚不換。鶯羣不羈塵。美人翠袖秋羅輕。旁觀爭歎神乎技。一片葉間千萬字。精勤渾似剝蕉心。草聖書名從此寄。蕉心

和金補之娘丈元恩漫興韻

劍氣依然燭絳霄。漫將白髮感蕭條。堅撐赤膽稱強項。苦爲蒼生暫折腰。下筆文章神暗助。滿腔魂魄酒難澆。講堂

知是清閒甚聊借新詩慰寂寥

夜坐

不寐披衣起無聊獨倚樓夜闌人語寂風定櫓聲柔勾得  
詩情上偏慚筆力遒一燈挑欲盡謙鼓聽將收

和補之丈

東風顛似醉細雨散橫斜心事悲彈鋏春愁點落花孤燈  
酸客夢雙鬢鑄年華何日攜尊酒相邀醉彩霞

夏日雜咏

虛堂岑寂午風清幾樹盆花向日明正是蘭湯初浴罷葛  
衣好試晚涼輕

燒殘心字一爐香閒看斜陽上粉牆欲寄蕭郎無別物浮

瓜沉李費商量

新秋

何處涼先到蕭森百尺桐夢回難唱後秋在鴈聲中遠水穿簾碧斜陽隔寺紅一庭都爽氣獨立聽西風

歲暮

斗柄星回歲月更寒梅已見一枝橫雲歸遠岫難成雪天戀殘冬故放晴筆札太忙詩積債春光漸近鳥多情更誰豪飲同司命酒氣濃蒸赴玉京

桃花源圖爲龔岳庵丈題

桃源在何處空費漁郎尋仙人不可作剩有雲無心後人偏好事寫出桃花林阡陌何井井竹木還森森如聽問訊

語猶是秦時音方今正清晏入山何必深伊誰作此畫聊  
寄煙霞襟田園倘招隱巢許原不禁南窗了無事抱膝姑  
長吟

寄子良

翦得吳淞水春波接五湖性情鷗早熟名氏鴨能呼海上  
多吟侶天涯幾酒徒老梅開已久能寄一枝無

侍家大人同沈夢塘丈

學淵

周花農丈

尊元

遊南園

尋秋踏破綠苔痕舊跡還和開士論詩法兼參摩詰筆勝  
情豈讓浣花村一池碧水淨于鏡萬柄紅蓮香到門共證  
襟期都灑落承歡長爲洗芳樽

月夜浦上納涼同汪霞江丈

空江淡遙影雲水團成秋明月忽欲上星彩微茫收寒光  
挾浪簸倒抉銀河流輕烟盡飛散清氣乾坤浮野花夾岸  
立吸露儼昂頭菰蒲聲瑟瑟驚起沙邊鷗新涼已如許倍  
覺林塘幽伊誰弄鐵笛吹動詩懷迺

選夜泊

遠樹團烟密孤帆帶露收江湖三港入漁火一星浮鄉夢  
圓新月風聲逼晚秋清笳何處起哀狹裏雲流

寒夜同季平弟作

慶均

風入黃昏勁書齋夜欲闌燈枯交影坐書妙擁爐看極浦  
潮聲壯空山雪意殘詩成呵凍筆姜被不知寒

送蔣翁蕃之粵東

掛帆何事去匆匆一曲驪歌唱曉風海外遙傳烽早息天涯惟有月相同羅浮蝶爛裙雙幅大庾梅船玉萬叢且博奇觀誇眼福粵東應是勝江東

辰山舟次

素有看山癖今朝暢此遊鳥聲蘇客夢花影挾扁舟雲密峯難辨湖平水不流詩情兼畫意媿乏錦囊收

卽景口占

雲氣頹如怪石蹲野花深處掩孤村生居此地真清福綠水青山曲繞門

舟夜

峭帆抽影貼波行浪湧船頭月有聲寫出江灘深夜景蘆

花稀處火微明

壬辰春日書事

憶昨太歲次辛卯水伯肆虐恣灌輸江鄉窪下害尤甚出  
疇浸沒如江湖三春麥捐地盡赤蒼生晝入流民圖沿街  
鬼欲掠人去鳩形菜色紛盈途縣官日集紳士議勸捐迫  
切如催租可奈民力已久竭雖有佽助難支吾譬若僅持  
一杯水車薪之火能救無而况猾吏善鉗伺借以射利尤  
非誣奸民藉此攘臂起洶洶勢欲成萑苻坐法者半餓死  
半嗟哉赤子誠何辜此事固由天降戾得失要亦人謀殊  
方信備荒在平日臨時措置原齟齬

江干步月和子良

清輝皎皎射澄波萬里天如鏡乍磨秋氣蒼茫涵玉宇星  
光隱約淡銀河疏砧敲夢增蕭瑟老桂分香入嘯歌回憶  
高樓聞笛夜西風無那嫩涼多

舟中看月

明月恍隨我蒼茫一路中星芒寒刺樹帆力健追風山寂  
遙沉翠燈孤淡斂紅魚龍爭照影凝坐水晶宮

雲翔寺

模糊賜額寫雲翔勅建年猶紀大梁佛亦低頭嫌寂寞鳥  
偏棲跡耐荒涼六朝舊夢遺雙石幾片殘碑臥兩廊白鵠  
一飛何日返只餘虬柏護僧房

吳淞道中

翠滴層嵐雨乍晴吳淞波剪莫潮平荻花兩岸乾如雪柔  
櫓輕拖澹月行

吉雲禪寺

江名猶白鶴寺古號青龍

地卽青龍鎮故址故寺又名青龍

稻隴忙秋獲

松聲雜晚春撥殘黃葉路敲冷白雲鐘欲覓殘碑讀苦痕

鎖翠濃

青浦舟中

星殘天欲曙一櫂入清溪艇子浮波活山光枕郭低歸心  
隨月去遠樹與雲齊破曉偏多景霜痕剗蒙昧

天氣寒何甚凌晨正放船孤城帆簇影萬籜瓦蒸烟客夢  
更聲裏秋懷膾字邊蓬窓欣有伴不厭聳吟肩

雨夜泊舟

柔櫓劃江烟宵深客未眠大聲知近市人語爲停船雨點  
響蓬背江流喧枕邊吾行殊未已更與間前川

遊青溪霧園

野鳥不停呼招來暢遐曠危樓峭插雲奔泉寒漱玉峰攢  
戶牖青竹染須眉綠芳草似帶圍亂把飛花束

寶劍篇

陰風掃地寒凜冽閃爍神光耀冰雪此是蒼龍萬古精莫  
笑新磨三尺鐵博物張華安足誇天下何人是俊傑上方  
請斬佞臣頭差喜朱雲語決絕空中晴霞忽霏然一片雄  
心許交結疾雷破山鬼母驚啾啾聲與流泉咽土花半紫

苦花紅草囊已冷  
姦邪血況今海宇  
慶澄清縱有俠腸不  
須熟懸向床頭伴客眠  
莫爲荒雞動悲切

夜坐偶成

三更明月生一片清光白欲證逃禪心軒窗四圍闌  
和聽翁讀杜詩韻

艱難何處訴懷抱託微吟詩卷畱天地江湖自古今故園  
惟有淚名世亦無心落拓依嚴武何曾是賞音

冬至後三日同蔣亦山丈

寶印

聯句

香冷勒梅梢

亦

雲昏凍四郊天沉山似壓

叔

門掩竹還敲

風急鴉爭樹

亦

庭荒鶴戀巢詩懷因酒健

叔

清興綠蕪茅

亦

詠梅和子良韻

和羹畢竟願誰酬  
失笑孤山典慣搜  
但許詞仙稱白石  
更無詩筆壓青邱  
北枝身分難容忘  
東閣聲名亦偶畱  
得伴君時先有福  
那須更計幾生修

北枝句用元人  
詠文信國事

子夜歌

青天一輪月飛上梧桐枝  
夜深誰與語獨許姮娥知  
蠶繭何纏綿繅繹成千萬緒  
一絲一寸心宵來誰顧杼  
織成機九張淚漬珠數行  
行間無淚處還繡雙鴛鴦

女兒酒歌

酒以女兒名價以女兒珍  
女兒不嫁酒不飲積年藏  
得牀頭春家家有女卽有酒  
誰家女兒先結姻今宵此酒在此

地想見女兒家計貧當日嫁衣將酒換罄瓶錢值如千緡  
酒味肯因貧富異美人遲暮酒偏陳

淞南小步

林隙湖光綠一灣酒家屋兩三間一帘春色無人問紅  
上斜陽分外閒

沿堤楊柳綠依依寂寞疏花護釣磯黃歇渡頭潮已漲碧  
天無際片帆飛

菘塘

烟波浩如海任我一帆馳鳥影爭人疾舟行誤岸移菜花  
黃入畫柳葉綠催詩翹首葺城近斜陽未下時

人日歸家

未容客裏逢人日恰喜還家正此時寄語梅花應不負歸來酬賦草堂詩

同甘叟齋堯鐘槎溪小步

疏林時送野花香一路溪聲撲面涼草色遙分流水碧柳絲濃蘸夕陽黃酒帘着意招人醉牧笛無腔咽韻長憑眺莫嫌歸去晚一鉤新月已窺船

舟行遇雨

夕陽欲下潮初生暮雲低護江光平風轉檣帆行不得波頭聊聽扁舟橫挑燈更自閒酌酒倚醉還憑睡鄉走正欲將身化蝶飛忽然怒觸雷公吼電光亂掣風雨驅千軍萬馬來須臾雲頭黑壓蓬影重浪高欲挾舟狂趨斯時纔斷

挽將裂直令箇師心駭絕我卽身能詩膽包難與神龍一  
戰決風威幸卽漸銷雄雨陣全收皎碧空明月也如昭止  
武隔林隱隱象韜弓

清明散步

禁煙節過雨初晴野水迢迢綠進城青草曲盤邨路遠白  
楊遙閃夕陽明村村帘影招沽酒處處簫聲喚賣餠自喜  
不貽猿鶴笑隔林偏有鳥呼名

苦雨

天公興淋漓日夜狂飛雨直訝銀河傾此漏何由補偶然  
鵲噪聲方喜晴光吐詎料土未乾又見商羊舞苔滋芳藥  
階水漲桃花塢蝴蝶逛如題詩縱橫滿廊廡叶嗟澑下田麥

葉黃如土去歲秋歉收今復天降罟來日應大難豈止  
稼圃雨絲卽淚絲泣盡蒼生苦

立秋夜

絡緯鳴何急催成江上秋簾波篩月碎河影裏雲流遠道  
人千里新涼夢一樓滿天風露靜詩興小窗幽

月夜觀潮

潮聲忽轉海門濤白馬靄胥氣共豪雪浪倒沾銀漢濕玉  
輪孤擁碧天高狂排雲樹形疑走冷逼蛟龍影莫逃敢比  
故生誇賦手且將詩筆擲金鼈

渡浦至龍華

東風忽吹轉助我一帆張樹帶寒烟白湖攬夕照黃客愁

和水遠墮影臥堤長一杵疏鐘起塵心漸坐忘

虹橋

蘆子城邊路烟波接海東遠山含雨碧老樹倚天紅一櫂秋風裏孤村夕照中垂綸聊寫興豈與釣人同

題蔣仲縷大

文炎

秣陵詩後

西風吹上十三樓又蕩秦淮一葉舟乞米魯公常食粥上書蘇季半凋裘文章辛苦成孤注湖海蒼茫集百憂且莫君苗焚筆硯英雄從古感萍浮

泗涇鎮

數里江鄉鎮人烟一帶稠布機鳴比屋酒旆漾前樓斜照紅輕抹遙山翠欲流木棉衣破廣剗處盼晴秋

野望

偶出郊原望幽情。滿眼中秋深。山削影湖漲水。浮空綠浦  
堪。盟鷺青雲不羨鴻。差欣人事少。詩思逐西風。

吾園

雲階月地好簾櫳。十載韶光迥不同。流水小橋依舊碧。斜  
陽晝閣可憐紅。岑樓猶矗羣花裏。曲鳴難尋亂草中。白雪  
久經傳雅調。青琴還媿和難工。當時名人題詠甚多刻有春雪集

寄楊肖英

煌

用杜工部寄李供奉韻

商酌名山業。茅廬不乏人。有詩皆錦繡。無句不精神。實理  
窮還達。虛懷屈卽伸。君真今李白。我媿昔汪倫。綠鬢同珍  
重。青衫喜斬新。六朝尋勝跡。雙屐滯遊塵。文字畱餘慕。烟

霞且暫親投桃徵雅意行李仗吟身到處多心賞相交本性真高歌憐舊雨此曲是陽春申浦曾停駕機山愛卜鄰經綸原自富囊橐不妨貧得意毫揮疾深宵草起頻梧桐欽吉士楊柳重詞臣品貴誰題鳳時清定出麟賜平宜顯衛奚也未歸秦梅信遲東閣葵心慙北辰離情懷渺渺膚語削陳陳候鴈來天外晨雞唱水演蘆花風起後秋思滿關津

旅舍寄子良

閒庭草滿已春深尚把鶯花細細吟看月易生前度感登雲忙煞少年心休言海內多知已試問天涯幾賞音平昔未知離別苦如何今夕悵分襟

同腐一分不得收更比昔年苦昔年猶可支此苦何堪數  
杼柚旣久空尙須供天庾縱或緩催科身已隣黃土嗟哉  
吾鄉民酸真透肺腑

米價謠

米價日益高民命日難度一石錢六千從來無此數爲問  
市中人僉云米少故官防商作奸平糶傳行鋪那知產米  
區同遭此困苦舟從陸地行屋近鮫宮住救死尙不遑何  
暇隣封顧吁嗟米似珠比擬猶嫌誤珠或富人藏米更無  
來路

孩兒曲

孩兒孩兒何太苦獨往獨來黃歇浦飢腸哀惄聲噭噭救

生除是能餐土日行足且僵夜宿聲難藏衣弁鮮百結裹  
體惟風霜豈無爲善客見之將錢擲片時雖不飢路總黃  
泉追嗟彼皆赤子何乃慘至是徒現地獄形生竟不如死  
死亦未必佳其生尚如此君不見世間子弟恣割烹天寒  
尚厭豐貂輕又不見閨中嬉戲小兒女飽煖猶煩心幾許  
咄哉彼亦人生來豈真皮骨無可哀

殘雪

連朝寒又煖積雪化空庭天氣晴猶嫩簷前滴未停尚餘  
三徑白漸豁數峯青入夜邀明月清光展鏡屏

癸巳除夕寄子良

連朝雨雪掩柴扉雅興多因別後違海國春遲梅信杳江

鄉歲儉爆聲稀  
擎雲敢信求名易  
彈鋏終憐作客非  
謂子慎

檢點詩筒勞遠寄  
離懷兩地共依依

詒安堂初稿卷一

詒安堂詩初稿卷二

曠海樓詩下

上海王慶勲叔彝著

甲午正月二日傍晚下雪至初三黃昏時始止平地  
約二尺餘牆陰尤厚父老云春雪如此數十年未  
之見也因作歌誌之

濛六太逞威恣意飛玉屑世界已盡封揮灑猶未絕可惜  
衰點奇但博豪華悅豈知窮窶人淚共冰花結屋空堆似  
銀衣欲化爲鐵撒鹽雖覺多飢腸不可啜徒令日僵卧學  
得袁安潔念此淒惶情酸風亦嗚咽何忍餐梅花消我肺

腸熱

吳淞口

直接瀛州路靈槎一櫂通地浮鼈背外天孕蜃光中水氣  
虛涵岸潮聲疾捲風數行飛鷺影衝破夕陽紅

書事

可憐薪似桂况值米如珠鄰國都成壑流民孰繪圖室將  
懸磬比官請發棠無亦有困能指終難濟餓夫

鳩形兼鵠面菜色日相侵歸燕難成墨哀鴻忽滿林豆區  
仁者粟飢溺聖人心載詠春陵句新詩寄慨深

十四夜偕彞齋遊白鶴寺

夜涼風敝寺門開枯樹蕭森擁亂苔踏破半庭明月影祇  
餘古佛待人來

十六夜對月懷肖英子良

秣陵好山水

肖英時客金陵

滄海壯波瀾

子良將赴崇明

月自同心照人

良將

皆異地看風塵勞往復筆墨累飢寒誰識離懷苦聽來玉

漏殘

歸自槎溪

尚怯寒威厲流鶯未肯啼人歸殘雪後樹羃夕陽低小飲  
來新雨高吟補舊題東風方着意剪取柳絲齊

咏蘭

空谷何須意自傷離騷卷裏有餘芳分明情種天生就不  
爲無人減却香

畧趙二川

晉榮子

蔭晉棠

昆仲

不媿雙丁目龍門孰許登水雲閒一劍歲月老孤燈才爲

飢寒鍊詩緣閱歷增自憐梅比瘦傲骨也峻嶒

寒食日作

晴光煖入野花嬌到處遊人策馬驕楊柳烟濃園不住一  
溪春色過紅橋

柬唐晴圓丈

袖得營印筆來描山萬重豪情和酒化詩夢比雲濃卧孰  
妙高枕行還仗短筇能知禪悅味愛聽夕陽鐘

訪李蘭生丈於花影山房卽題其壁

春光閑得幾多時徑外斜陽影自移倦蝶罷飛鶯睡穩

簾風定落花遲

甥館偶作呈栽村外舅

媿詠微雲句流連又一句輕寒頻釀雨明月憊依人鳥語  
將花媚詩懷借酒伸清閒能自遣何忍負青春

寄龜子良見懷

相思同此掩柴關剩有吟箋互往還怪底近來消瘦甚夢  
魂飛不過青山

寄蔣亦山丈

連宵耿無寐獨對一燈深夢結愁中句天閒物外心身宜  
爲世用鬢漸怕霜侵漫袖經綸手相期傳說霖

小作河梁別無端動隔年昌黎初有屋陽羨尙無田松菊  
思三徑丈有松菊猶存圖小像功名臘一編伊誰賦招隱愛其北窗

眠

詩卷之二十一  
曉發

麥浪碧無際菜花黃入城孤村三月暮春老一鶯聲

野望

風吼春郊樹有聲歌喉隨處囀嬌鶯雨微農尙愁車水雲  
薄天知欲放晴遠陌青黃都入畫好花紅白不知名碧桃  
一樹開猶未遙指斜陽背處行

夏夜同子良作

月色一天皎蛙聲四野喧新詩期共賞往事費重論畫餅  
憐名士藏書仗後昆松風涼滿屋清興足金樽

端陽後兩日夜雷雨大作

每年當此節難倩夕陽開急陣狂飛瀑神威怒走雷雲疑

鋪黑海天欲醒黃梅雨想吟詩句蛙聲已預催

東聽翁

吟到王維畫裏詩襟期倘許俗人知龍頭肯信名難副  
臂如何命最奇一院雨聲催賭酒半簾花影約彈碁古來  
充隱人多少何必蛾眉畫入時

東聽翁

炎蒸連夕鬱輕雷陣雨今宵信快哉月裏藕花香撲鼻一  
尊且爲晚涼開

夜泊

雨過天容淨江空夜色寬月分星影淡風咽水聲寒交友  
知心少吟詩愜意難舟人多舊識話到五更殘

答李蘭生丈

曾記園林並賦詩相逢又過暮春時真成名士何妨醉難學古人正在癡作客情懷雲樣比落花消息水聲知一樽聊共酬明月忍令匆匆感別離

季夏甚涼

柴門臨水上日夜聽江流竹動風疑雨荷涼夏亦秋帆光涌遠浦雲氣壓高樓飲罷還開卷燈窓景自幽

江上晚眺

飛鳥忽羣噪似將暮色催潮隨歸客到帆擁夕陽來子婦喧漁艇功名冷釣臺呼童忙洗盞雲外月徘徊

同甘璞齋肩輿之槎溪得詩四首

縱目郊原外槎溪路亦縣出疇千萬頃村落彌三家碧浪  
吹楊柳黃雲夾稻花前途是何處風颺酒帘斜

偶然借適野容與戀江隈流水紅橋曲疏籬白板開霜搖  
楓葉落風送桂香來沿路明秋色吟情一雁催

青天如一笠雲影捲長空鳥裏濃陰綠霞蒸落日紅炊烟  
閉舍北古寺蘿林東兩岸秋聲起蘆花戰晚風

地僻行踪少人家半力耕路迷桑柘影心苦桔槔聲牛背  
童吹笛羊腸客問程此間真趣足隨意踏歌行

立秋前一日作

閒庭靜無語惟有蝶蜂忙斜照入烟淡晚荷出水香雲含  
天影薄風帶樹聲涼明日飄梧葉新愁幾許長

漫興

空勞深淺畫蛾眉苦戀浮名本太癡壓檻花光如酌酒脣  
林鳥語宛催詩大言轉爲庸流媿夙抱何煩末俗知絡緯  
聲聲秋又到儘他催徧舊相思

引翔港舟次

烟隙村難見蘆中人可呼天寒潮信縮海近浪花粗飛鳥  
忽高下遠帆時有無清風吹月上今夕住冰壺

送諸蓮溪之携李

爛醉樽中酒扁舟忍便開蟾光催客去雁信帶秋來聚久  
眞難別詩佳任費才離懷天際共休上越王臺

和子良秋日漫興

西風吹老五湖秋萬里蟾輝自上樓修到鶯鶯纔是福飛  
來蝴蝶亦含愁好將醇酒傾三雅安得遊縱徧九州浪說  
功名是何物湛廬光焰滿牀頭

又看光陰到暮秋題詩怕上仲宣樓柳能綰恨猶開眼草  
縱忘憂不解愁增却十年仍故我吹來長笛感涼州男兒  
珍重擎雲手翰墨場中出一頭

秋興

細雨敲梧葉隨風滴夜階疏還驚客夢涼欲逼詩懷瘦影  
隨燈倚閒愁借酒埋何來雲外雁淒響過蕭齋秋雨  
瑣碎苔階畔終宵未肯休何人堪解語爲爾特悲秋草腳  
藏來密詩心寫入愁旅懷聽不得唧唧五更頭

秋蟲

一道裙腰綠，逢秋便不同。  
華猶攬露碧，心自捲烟紅。  
遠夢關山裏，斜陽蟋蟀中。  
離離燒豈盡，來歲又春風。  
秋草

省閑同棟庵夜話

夜雨初歸櫂，春寒好閉門。  
詩書明舊德，簪紱感新恩。  
時大父新邀  
品以磨礲兒才須鍛鍊存，當年松柏節哀思不堪。

論

養疴

下帷暫許息交遊，故紙生涯未肯休。  
夜對疏燈刪舊稿，天教寒雨送殘秋。  
良辰忍負題糕節，吉語羞貽畫餅愁。  
更有

何方醫傲骨悵心還是管城侯

柬張願香丈村居

敢擬隆中卧居然世外逃地當村尾靜樓比樹頭高路僻人希到才多迹轉韜柴門都種柳疑是北窗陶

淞南晚泊

淡淡疏星碧落邊飛來小艇破蒼烟火風冷逼三更月遠水低涵一握天只恐狂呼驚雁宿儘容閒夢伴鷗眠西風吹盡蘆花白滾滾寒潮撼枕前

食菜

小園菜甲雨餘新滋味休誇碧澗蓴饑色每憂窮巷士清風應媿素餐人學爲老圃胸原窄話到寒畦品獨眞市僧

漫拘求益見閉門能種亦經綸

周孝女行

孝女名慧珠邑城虹橋南人也曾以割股愈母疾今春母染時疫又復割胸以進而

母疾已危竟不能救女夜投繻爲弟解免翌日乘闇投黃浦死時甲午四月初五日也

汝南有孝女不媿稱完人父亡惟事母至性全天倫何意  
母攖疾床第恒吟呻良醫策已盡無計回沈淪女聞慘心  
肝豈復知恤身抽刀潛剗股奉以沾親唇母果病漸已日  
覺增精神人但驚愈速誰知孝感因然而壽難強修短誰  
能均女雖拯母疾天斬母千春母莫逃定數遑顧女酸辛  
一朝病更發遂與鬼伯鄰女也悲欲絕求死數已頻惟期  
伴黃壤豈屑畱紅塵無奈救者力此志難遽仰未幾眾略  
懈乘夜投江濱波濤何其幸竟容孝女臻及至眾知覺魂

已隨青燐埋之芳草岸大書標貞珉此水有時竭其孝不可泯嗚呼曹娥廟俎豆應同陳

贈蘇子愼

忽作萍蓬合相逢有夙緣深情同骨肉舊業戀丹鉛綺夢消金粉豪情墜碧天何當二分月愁結望雲篇時尊甫客邗江貧也原非病相期保令名莫添遊子恨且適寓公情話雨疏燈夕沾春小市晴知夜滿湖海肝膽幾人傾

有感

讀書但結古人歡敢信乾坤俯仰寬時命窮通誰有據烟雲起滅太無端憂危始覺知心少閱歷方驚入世難儘讓雞蟲爭得失不妨冷眼暫相看

秋日江上晚眺同薇洲弟作

此地不來才幾日秋光又是一番更舟橫古渡人無語潮落寒江月有聲禪悅忽萌塵外想詩懷還向笛邊生倩誰寫幅雲林畫絕妙騎驢載酒情

舟次同薇洲作

乍展寒江霧涼風忽滿船潮喧孤客枕帆破一溪烟放眼皆秋色關心問稻田老漁魚不釣閒倚蓼花前

落木空天地無風路覺長山連城內外石界水中央緣漲侵低岸黃雲閃夕陽濁醪沽一醉笑傲水雲鄉

江村夜泊

暮潮海門轉夕照橫遙天逆流難理楫繫纜來村前人家

數十戶炊起林中烟燈火出窗隙鳴機聲相連春風吹悄  
悄明月生雲邊蓬背柳絲拂一夜鄉心牽

崑山道中

朗朗山如玉幽尋處處通不知城市裏渾在水雲中仄徑  
松環翠危樓塔映紅遂園何處是一抹晚烟籠

九日登虎邱同薇洲作

昨宵風雨滿池塘難得新晴展日光拚向名山同一醉况  
逢佳節是重陽柳疏低蘸溪痕碧菊淡微微分夕照黃吟賞  
不知遊屐倦儘收詩句入奚囊

晚泛山塘

金樽攜上木蘭橈隔岸何人弄玉簫明月倒懸湖底鏡照

他花影過紅橋

萬點紅燈簇畫舟  
買春多傍酒家樓  
是誰香夢先成稿  
可惜珠簾懶上鉤

旅夜聽雨

一夜吳江雨  
聲聲到枕邊  
暗蟲喧砌畔  
點鼠竄燈前  
鄉思催輕柝  
秋心冷薄綿  
今宵拚不寐  
擁被續長篇

獅子林

畫師不可作畫意  
猶許領玲瓏  
萬竅心能借頑石  
逞爲地妙無多偏具  
無盡景當路峙一峯  
頓使動中靜孰知轉愈深  
更覺開異境  
碧水界飛流  
紅橋橫隔嶺  
客從山腹穿牙雲  
裹衣裳冷探首窺  
遙峰略逗青天影

白公祠

斟酌橋邊景最幽香山遺愛至今西蘋繁合作詩人供賦  
月曾隨刺史遊竹葉影搖三徑暮桂花香動一庭秋不須  
重灑青衫淚夜夜琵琶滿客舟

虎邱寺

來訪招提境炊烟四面環到門不見塔入室始知山刹古  
名偏盛人稠佛自閒老僧如舊識揖客出松關

生公講臺

霸氣空沈水斯臺刼不經老僧徒費舌頑石獨通靈花雨  
飛三月松濤撼一亭千人誰聽得大夢幾時醒

出盤門望靈巖諸峯

朗朗如眉列山山入畫屏  
鏡涵詩鬢綠黛灑佛頭青  
嵐氣濃於絮波光冷入亭笙  
歌猶沸耳眼爲水雲醒

歸舟

飽載秋光鼓櫂回孤帆好趁順流開村於遠樹陰中露人  
向斜陽缺處來偶倚蓬窗看野色閒從村店買香醑吳山  
久已成相識詩興還憑絡繹催

題鍾春畧丈

曾齡

紅藥山房遺詩

招得吟魂一笛寒秋風秋雨總辛酸可憐白髮情如許能  
熟黃粱夢亦難斯世共將猿臂惜後人習作豹皮看滿腔  
蒙氣空湖海三日歸家已蓋棺

題聽翁山水

老翁扶杖出雲溪  
霜葉紅攢夕照迷  
勾引詩心何處是  
青山都勒板橋西

廢園

但有荒涼象繁華  
一夢拋可憐  
紅杏塢都變白楊  
郊樓破雲穿  
廬庭虛鳥墜巢闌  
人惟老樹猶倚壞牆坳

與聽翁書齋夜話

青雲羞故我綠酒又今宵  
風急城頭鼓人喧浦口潮  
秋容已如許壯志未容消  
一點燈花結談詩慰寂寥

題黃平泉丈遺稿

浪迹無非閱歷緣輪蹄  
纔息又乘船湖山鼓舞詩千卷塵  
海消磨夢卅年才子文章新  
樂府麰生風味小遊仙瓣香

誰下南豐拜不愧隨園嫡派傳

君爲袁簡齋太史所賞

足疾坐卧一室殊困人意柬聽翁

漠陰機早息終日掩柴關詩好心常記身安夢亦閒枯禪參白足高隱羨青山滿眼皆生意庭前草不刪

再題平泉丈詩

飽享烟巒福豈輕天教靈氣釀詩成韻爭蜀道連雲險音帶廬山瀑布清一粟何難藏大海五言真不媿長城前身合作東坡看此筆雄於掉尾鯨

足疾擬不赴試戲成一律柬同人

文章誰驗橫行兆本乏人間捷足才步武憑誇時下好功名不到枕邊來夢能伸脚言非妄智豈如葵狀可咍謔謂

史公牛馬走追蹤偏似折輪材

盆菊尙有可觀

好花如待我尙有兩三枝霜信憑搖落秋容儘讓持問誰猶插鬢笑爾亦趨時偏奈成孤負還應罰滿卮自患足疾不飲已一月

矣

紀事

回憶前年歲癸巳米薪昂貴不成市窮鄉僻壤苦尤多天性誰遑憐少子紛紛乞食踵相連大父一見心惻然急邀好義兩三友分居廈屋兒盈千臘盡春回農事作各挈兒歸欣有託家家相聚喜還悲依舊天倫得至樂噫吁嘻行善原因惻隱生揮金豈是爲求名奪還赤子黃泉裏惹得

閻羅聽亦驚

和梅岑丈聞雁韻

天地蒼茫裏聲聲忽送秋似苦蘆荻穩早辦稻梁謀湖海  
書難寄風波客正愁題名猶有塔莫漫感沈浮

曾亦山丈卽次見懷韻

早有豐城劍氣浮聲名何事冷吳鈎三年小別青衫淚一  
曲清歌白紵愁鬢影料增前度感詩懷吟徧異鄉秋祇留  
桃李春如海抵得蓬萊頂上遊

初冬卽事

卧疾小樓中日月全失記不知冬已來但與秋無異開窗  
偶閒眺落葉黃滿地西風吹遠鴻書自何方寄離菊苦低

頭似與人相避白雲偏多情癡欲擔牙墜如此好景光詩  
懷豈容秘奈何擾病魔只學冬山睡

十月初七日生朝自嘲

依然蹤迹感沈淪馬齒空驚歲月新編集但增陶甲子降  
生敢擬屈庚寅面牆學問仍無益心地光明只守真猶爲  
聞雞常起舞可憐已負好青春

舟泊閔行望月

萬頃白無際荻蘆花滿灘潮隨塘影上詩入雁聲寒客夢  
憑衾裏名心逼夜殘遙憐閨閣裏獨自倚窗看

肖英索觀近作柬之以詩

刻楮深慚技未神偏能物色到風塵論詩似我真餘子知

已如君得幾人落筆常存千載想工愁還較六朝新琵琶  
彈出青衫淚踪迹誰憐太苦辛

旅夜聽雨

幾日晴天少雲光掩月華雨聲沈客夢鄉信卜燈花漏似  
寒潮急書扶倦影斜旅懷偏易感拈韻手頻父

寓齋無事自題近稿後

窮年詩卷費參稽聊記飛鴻印爪泥愛友難容刪贈別寓  
言何礙寫無題感懷媿未求名淡觸諱時偏看世低一卷  
且圖遮眼法憑教他日覆醯雞

倉曹杏垞丈

豈有書能破終嫌膽未粗悲歌震霄漢秋氣塞江湖

長門賦羞描小隱圖醉鄉真樂土任把酒人呼

綠題聽翁畫

老屋三間兩間黃葉千山萬山秋色誰爲管領幽人獨自  
往還

門外烟波無際天邊雲樹皆秋媿我勞人草草清閒輸與  
沙鷗

答蔣仲縵丈

吟徧天涯白髮新襟懷仍似昔年醇掃除俗艷詩無敵吐  
出心花筆有神金粉已消當日夢玉烟肯負故園春江城  
風月多吟料何必功名論屈伸

晚發松江

詩併歸心急愁絲水亂梭渡頭風力緊蓬背夕陽多塔峭  
孤撐月山低淡蹙螺一星紅閃處漁火劃江過

舟夜同季平薇洲兩弟作

船出蒲塘口油雲四野橫潮兼風雨勢併作一江聲酒淺  
難成夢舟遲漫計程談心兄弟樂支枕到三更

舟中荅肖英

布帆無恙感淹留每到相逢總是秋莫怪詩篇慣蕭瑟青  
山原不解埋愁

風阻杜家行

石尤殊不惡畱客遣清閒雲擁天邊樹濤堆水面山寒威  
添料峭吟興未闌珊小市魚蝦賤酡顏自往還

寒日

碧落諸天曉風塵萬樹聲霜濃添菊傲寒重歷裘輕犯日  
鴉無色蒸腸酒有情擁爐憑寫興險韻幾番更

晚霽

積雨檐牙滴已停閒蹤郊外偶然經鞚紋水纜雲邊白卯  
色天開水底青野樹低圍孤嶼月漁燈倒幻一湖星無邊  
霽景憑誰寫釣取詩情入畫屏

荅肖英

蔣徑曾停問字車

謂亦山丈

文星遙映子雲居少年早作千秋

計舊雨難忘尺素書可有文章懸日月未容蹤迹狎樵漁  
騰壤我媿邯鄲步捫足新詞藻獨舒余患足疾君以捫

足歌百韻寄懷

冬夜

寒挾肥冬至音沈巷标嚴庭空憑月佔窗破怯風尖百斛  
宜紅友重衾戀黑甜可憐無大厦遮底慰窮闌

與子愼子良談詩

詩境須探造化源唐音宋派且休論不求甚解斯真解自信堪存未可存別有性靈歸慧業莫從皮相切記專門四時花葉千番樣何處容人覓線痕

寄樊綺江遼陽

但道出門憊不知行路難三邊霜信早兩袖海雲寒永夕  
耿無寐清樽誰與歡滄州有眞趣落拓旅懷寬

夜坐書懷

自知豪氣終爲累無那雄心未肯降醉拂吳鉤還起舞驚  
他明月冷窓

寄楊肖英

別來幾負月團團詩滿行囊氣不寒憶否草鱸滋味好江  
南秋信已將闌

甲午除夕前三日燈下懷子良

分袂纔三日愁心集百端梅花經臘動詩夢入宵寒回首  
春空度懷人歲又闌相思深似水流不盡河干